

Mid-Day Dogri News Bulletin, 21st Feb. 2025

समे — 12:25

<><><><><><>

PM Soul

प्रधानमंत्री नरेन्द्र मोदी होरें अज्ज नमीं दिल्ली दे भारत मंडपम च स्कूल ऑफ अल्टीमेट लीडरशिप सोल कन्कलेव दे पैहले संस्करण दा उद्घाटन कीता। इस मौके उपपर भूटान दे प्रधानमंत्री दाशो शेरिंग तोबगे होरें मुख् भाषण दित्ता जेह्दे च उनें प्रधानमंत्री आवास योजना, जल जीवन मिशन ते प्रधानमंत्री गति शक्ति योजना जनेई भारत सरकार दी पैहलकदमिएं उपपर लोह पाई। इस दरान प्रधानमंत्री मोदी होरें अपने संबोधन च इस गल्ला उपपर जोर पाया जे भारत दी विकसित भारत यात्रा लेई सोल पैहल महत्वपूर्ण ऐ। उनें गलाया जे प्रगति दी यात्रा च अग्ये बधने लेई नेताएं दा विकास करना, समें दी मंग ऐ। प्रधानमंत्री होरें जन से जगत ते व्यक्ति निर्माण से राष्ट्र निर्माण दे मंत्र गी सांझा कीता। मोदी हुंदे आस्सेआ परिकल्पित सोल पैहल दा उद्देश्य भारत दी प्रगति लेई प्रमाणिक करना ऐ। दऊं रोजा सम्मेलन नोजवानें गी प्रेरित करोग ते नेतृत्व उत्कृष्टता गी बढ़ावा देग ते बक्ख-बक्ख क्षेत्रें दे नेताएं गी किट्ठे करोग।

<><><><><><>

CM Pre Budget

मुख्यमंत्री उमर अब्दुल्ला होरें जम्मू कश्मीर दे सारे 20 जिलें थमां लोकें दे नुमायंदे कन्नै बजट थमां पैहले आली चर्चाएं गी मुकम्मल करी लैता ऐ। अपने खीरी सत्रें च उनें जम्मू आले सिविल सचिवालय च किश्तवाड़ ते डोडा जिले दे नुमायंदे कन्नै मलाटी कीती। इस दरान महत्व आले मामले जियां शिक्षा ते सेहत सरबन्धी दिक्खभाल लेई अमले दी कमी, शिड़क राबता बेहतर करना ते मोबाइल नेटवर्क दा विस्तार बगैरा शामिल गी पुट्टेआ गेआ। मुख्यमंत्री होरें भरोसा दोआया जे इनें सारे मामलें दा बजट च ध्यान रखेआ जाग। इस दरान मुख्य सचिव अटल डुल्लू हुंदे अलावा परिष्ठ अधिकारी बी मजूद हे।

<><><><><><>

CS-Forestation

मुख्य सचिव अटल डुल्लू होरें 4 करोड़ शा मते रुक्ख बूहटे लाइयै जंगलें दे पुर्नवास ते वनीकरण च तेजी आन्नने लेई विज्ञानक कार्य योजना तैआर करने दा निर्देश दित्ते न। जायजा बैठक दरान मुख्य सचिव होरें झीलें ते वुलर झील दे पुर्नवास दे महत्व उपपर जोर पाया। उनें पूरे क्षेत्र च वन संरक्षण ते जैव बन्न सबन्नता दे जतनें गी होर तगड़ा करने दी जरूरते पर बी जोर दित्ता। मुख्य सचिव होरें निर्देश दित्ते जे जम्मू कश्मीर च पर्यावरण दे स्थाबै स्थिरता गी बढ़ावा दित्ता जा।

<><><><><><>

Poonch

पुंछ दे डिप्टी कमीशनर विकास कुंडल होरें टीबी दे मामले दी मजूदा स्थिति ते उपचार सरबन्धी दिशा निर्देशों दा जायजा लैने लेई डीसी दफ्तर परिसर च इक बैठक दी अध्यक्षता कीती। इस दरान टीबी दी बमारी दा समें उपपर इलाज, बचाह ते जागरूकता शिविरें दे महत्व पर जोर दित्ता। डीसी होर टीबी मरीजें दी पोषण सरबन्धी मदाद लेई निक्षय मित्रें गी शामिल करने उपपर बी जोर दित्ता। 20 फरवरी थमां 31 मार्च तगर तपेदिक लेई चला'रदे राष्ट्रीय

स्तर दे सक्रीनिंग अभियान उप्पर बी बैठक च चर्चा कीती गई। बैठक च सीएमओ डॉ. परवेज अहमद खान हुंदे सनें होर दुए अधिकारिएं बी हिस्सा लैता।

<><><><><><>

Mahakunbh

उत्तर प्रदेश दी बक्ख-बक्ख जेलें च बंद कैदिएं गी अज्ज प्रयागराज महाकुंभ च पवित्र स्नान, उंदे जेल परिसर च गै कराया जाग। उत्तर प्रदेश सरकार नै इक नमीं पैहल शुरू कीती ऐ। जेहूदे तैहूत प्रयागराज च त्रिवेणी संगम शा पवित्र जल जेल परिसर च आन्नेआ जाग। इस पैहल कन्नै कैदिएं गी जेल बंद रौहने दे बावजूद अपनी धार्मिक ते सांस्कृतिक मान्यताएं दी पालमा करने दा मौका थहोग।

<><><><><><>

PM-MKB

प्रधानमंत्री नरेन्द्र मोदी होर म्हीने च इक बारी प्रसारत होने आले अपने रेडियो कार्यक्रम “मन की बात” इस बारी 23 फरवरी गी देश विदेश च रौहने आले श्रोताएं कन्नै बचार सांझे करगन। हर म्हीने दे खीरले ऐतवार बडलै 11 बजे प्रसारत होने आले इस कार्यक्रम दी एह 119मीं किशत होग। कार्यक्रम च शामिल करने लेई लोक अपने बचार ते सुझाह 21 तरीक तगर टोल फ्री नंबर 1800-11-7800 पर भेजी सकदे न। एहदे इलावा लोक अपने बचार My Gov ते नरेन्द्र मोदी ऐप पर बी भेजी सकदे न। एह कार्यक्रम आकाशवाणी ते दूरदर्शन दे समूलचे नेटवर्क दे इलावा न्यूज ऑन एयर मोबाइल ऐप पर बी उपलब्ध रौहग। एहदे कन्नो कन्नी एहदा सिद्धा प्रसारण ए.आई.आर न्यूज, डीडी न्यूज, प्रधानमंत्री हुंदे दफ्तर ते सूचना ते प्रसारण मंत्रालय दे यूट्यूब चैनलें पर बी कीता जाग। आकाशवाणी जम्मू पर मन की बात दे तुरत मगरा एहदा डोगरी च अनुवाद प्रसारत कीता जाग।

<><><><><><>

Announcement

आकाशवाणी जम्मू दे क्षेत्रीय समाचार एकांश आसेआ कठुआ जिले लेई अंशकालिक संवाददाता यानि पीटीसी लेई दरखास्तां मंगियां गेइयां न। इच्छुक आवेदक जेहूदी उमर 24 थमां 50 बरें दे बश्कार ऐ ते ओह कठुआ जिले दा रौहने आहला ऐ, इस लेई आवेदन करी सकदा ऐ। मेदवार कश पत्रकारिता च पी.जी डिप्लोमा, डिग्री या कुसै बी पंजीकृत यूनिवर्सिटी थवां ग्रैजुएशन ते पत्रकारिता च 2 बरें दा तजुर्बा होना लोड़चदा ऐ। मेदवार गी कम्प्यूटर पर खबर बनाने ते मीडिया कवरेज दे अनुभव सने सरबंघत लोड़चदे उपकरणें वगैरा दा इस्तेमाल करना बी औना चाईदा। आवेदक जिला सदर दफ्तर दी 10 किलोमीटर दी हद्द दे अंदर-अंदर रौहदा होना चाईदा ऐ। दरखास्त ते लोड़चदे दस्तावेजें दी कॉपी मेदवार गी क्षेत्रीय समाचार एकांश आकाशवाणी पंजतीर्थी जम्मू पिन कोड 180001 उप्पर 07 मार्च 2025 थवां पैहले-पैहले आइए दस्ती जमा करोआनी होग। इस बारै व्यापक जानकारी आकाशवाणी दी वेबसाइट www.newsonair.gov.in पर उपलब्ध ऐ।

<><><><><><>